

AINHOA ASEGINOLAZA ARAKISTAIN

A Maila | Olerkia | 1. saria



BADIRA KALEAK

Badira kale biziki zuriak
non bizitzak dirudien eder
non nagusi diren doinu biziak
non bihotz elkartuak dauden epel
Dantzuzkit etengabeko irriak
malkoek ez dute lekurik hemen
Emakumea aske bizi balitz
halakoxeak lirateke anitz

Badira kaleak jendez itoak
non ekaitzak eguzki dirudien
non izua den batzuen beroa
non begirada zorrotz bat aski den

Hasi esku laxoen giroa
erasotu da gau erosoan bide
baina “ez du zentzurik amorrak”
pisua baitu arren aburuak

Badira kale isil eta hutsak
etxera bide lasaien eraile
Lepotik gogor eutsi, gero bultza
oihuka biluztu naute etsaiek
desegin dute naizenaren funtsa
askatasunaren bortxatzaileek
Ezin bakar bati bota errua
itsu denek jan baitute amua

Badira kaleak hitzez josiak
mugarik gabeko otso arramak
Zabaltzen dituzte nire zauriak
ahuldu nazan bizkarreko zamak
Mesfidantzaz jaurti dira geziak
egia jan du esames-brigadak
Ezinezkoa itotzez uztea
argirik ez dagoen ilunpean

Badira, bai, halako kale pila

garun ustel eta atzeratuak

baina borroka hau ez da hila

ez gara izango oinperatuak

Matxirulo izango dira mila

baina goien indar bateratuak

Etengo da feministon marea

berdintasuna lortzean kolean